



სსიპ – აჭარის კულტურული მემკვიდრეობის დაცვის სააგენტო

Entity Of Public Law - Cultural Heritage Preservation Agency Of Ajara

**ხიხანის ციხის კოშკი N3 სარეაბილიტაციო
სამუშაოების ელექტრონული ტენდერის**

სატენდერო დოკუმენტაცია

ქ. ბათუმი - 2016 წელი

ს ა რ ჩ ე ვ ი

1. ტექნიკური პირობები -----	3
2. სახელმწიფო შესყიდვის შესახებ ხელშეკრულების პროექტი -----	4
3. პრეტენდენტის რეკვიზიტები დანართი N1 -----	9
4. შესასრულებელი სამუშაოს ეტაპები დანართი N2	10
5. ინფორმაცია საგარანტიო ვადების შესახებ დანართი N3 -----	11
6. დამატებითი ინფორმაცია.....	11

ტექნიკური პირობები

1. პრეტენდენტის მიერ წარმოდგენილი სატენდერო წინადადება უნდა შეიცავდეს შემდეგ დამატებით დოკუმენტებსა და ინფორმაციას:

- ა) რეკვიზიტები, დანართი N 1 შესაბამისად;
- ბ) შესასრულებელი სამუშაოს ხარჯთაღრიცხვა ფასების ცხრილი (მიმაგრებული ფაილის – მიხედვით);
- გ) ინფორმაცია შესასრულებელი სამუშაოების ეტაპების შესახებ დანართი N2 შესაბამისად;
- დ) ინფორმაცია საგარანტიო ვადების შესახებ – დანართი N3 შესაბამისად;
- ე) პრეტენდენტს 2013 წლის 01 იანვრიდან 2016 წლის 01 იანვრამდე პერიოდში უნდა გააჩნდეს გამოცდილება მინიმუმ 3 საკულტო ან/და საფორტიფიკაციო ძეგლებზე რეაბილიტაციის/რეკონსტრუქციის/ მშენებლობის სამუშაოებისა, რომლებზეც წარმოდგენილი უნდა იქნას შესაბამისი დოკუმენტაცია (ხელშეკრულება და მიღება ჩაბარების აქტი).
- ვ) ინფორმაცია რეაბილიტაციის სამუშაოებში ყველა მონაწილე პირის (ინჟინერ-მშენებლის, არქიტექტორ-რესტავრატორის, საშენ მასალათა ტექნოლოგის და სხვ. რომელიც უნდა შეესაბამებოდეს შესასრულებელი სამუშაოების სახეობებსა და ამოცანებს) კვალიფიკაციის შესახებ. სამუშაოების შემსრულებელი (მონაწილე) სპეციალისტების თაობაზე ინფორმაცია წარმოდგენილი უნდა იქნეს CV–ს სახით;

2. შესყიდვის ობიექტის ტექნიკური პარამეტრები, აღწერილობა და ჩამონათვალი, იხილეთ მიმაგრებული მასალაში (შესასრულებელი სამუშაოების ხარჯთაღრიცხვა).

- პრეტენდენტის მიერ ელექტრონულ სისტემაში ატვირთული ყველა დოკუმენტი უნდა იყოს უფლებამოსილი პირის მიერ ხელმოწერილი და ბეჭედ დასმული.

- პრეტენდენტი რომელსაც არ ექნება შესაბამისი გამოცდილება მოხდება მისი დისკვალიფიკაცია.

3. ანგარიშსწორების პირობები:

3.1 სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.

3.2 ანგარიშსწორება მოხდება უნაღდო ანგარიშსწორებით, ლარში, სსიპ - „აჭარის კულტურული მემკვიდრეობის დაცვის ეროვნული სააგენტოს“ 2016 წლის ბიუჯეტის სახსრებით.

3.3 შესყიდვისას დასაშვებია წინასწარი გადახდის მექანიზმის გამოყენება.

3.4 წინასწარი ანგარიშსწორების შემთხვევაში მიმწოდებელი ვალდებულია, წარმოადგინოს ავანსის სახით გადასახდელ თანხაზე (არაუმეტეს ხელშეკრულების საერთო ღირებულების 75%) საავანსო საბანკო ან სადაზღვევო გარანტია, რომლის მოქმედების ვადა 30 (სამოცი) კალენდარული დღით უნდა აღემატებოდეს შესყიდვის ობიექტის მიწოდების ვადას.

4. მიწოდების პირობები და ვადები:

4.1. სამუშაოები უნდა განხორციელდეს ხელშეკრულების გაფორმებიდან არაუმეტეს 2016 წლის 1 ნოემბრისა.

ხ ე ლ შ ე კ რ უ ლ ე ბ ა

სახელმწიფო შესყიდვის შესახებ N

(ხელშეკრულების პირობების საბოლოო ვარიანტი შეიძლება დაზუსტდეს და დაიხვეწოს ტენდერში

გამარჯვებულ პრეტენდენტთან ხელშეკრულების გაფორმების პროცესში)

ქ. ბათუმი

----- 2016 წელი

ერთის მხრივ სსიპ – აჭარის კულტურული მემკვიდრეობის დაცვის სააგენტო (შემდგომში „შემსყიდველი“), წარმოდგენილი სააგენტოს დირექტორის მირანდა ჩარკვიანის სახით და მეორეს მხრივ „-----“ (შემდგომში „მიმწოდებელი“), წარმოდგენილი ----- სახით, „სახელმწიფო შესყიდვების შესახებ“ საქართველოს კანონის და პრეტენდენტის (დასახელება) სატენდერო წინადადების საფუძველზე, შემსყიდველის მიერ ჩატარებული ელექტრონული ტენდერის (სატენდერო განცხადება N შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. „ხელშეკრულება სახელმწიფო შესყიდვების შესახებ“ (შემდგომში- „ხელშეკრულება“) შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებით, ასევე მთელი დოკუმენტაცია, რომელზეც ხელშეკრულებაში არის მინიშნებები;
- 1.2. „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულების სრული და ზედმინევენით შესრულებისათვის;
- 1.3. „შემსყიდველი“ – ორგანიზაცია, რომელიც ახორციელებს შესყიდვას;
- 1.4. „მიმწოდებელი“- პირი რომელიც ახორციელებს სამუშაოს მოცემული ხელშეკრულების ფარგლებში;
- 1.5. „დღე“. „კვირა“, „თვე“ – კალენდარული დღე, კვირა, თვე;
- 1.6. „სამუშაოების შესრულების გეგმა-გრაფიკი“ – მიმწოდებლის მიერ წარმოდგენილი ინფორმაცია სამუშაოების შესრულების ვადების შესახებ, რომელიც თან ერთვის ხელშეკრულებას და წარმოადგენს მის განუყოფელ ნაწილს.
- 1.7. „სამუშაო“- ხელშეკრულების მე-2 მუხლით გათვალისწინებული ხელშეკრულების საგანი.
- 1.8. „შესასრულებელი სამუშაოების ხარჯთაღრიცხვა“ – მიმწოდებლის მიერ ელექტრონული ტენდერის ფარგლებში წარმოდგენილი „შესასრულებელი სამუშაოების ხარჯთაღრიცხვა“ რომელიც თან ერთვის ხელშეკრულებას და წარმოადგენს მის განუყოფელ ნაწილს.
- 1.9. ინფორმაცია საგარანტიო ვადების შესახებ – სატენდერო დოკუმენტაციაში მითითებული მინიმალური საგარანტიო ვადების შესაბამისად მიმწოდებლის მიერ შევსებული საგარანტიო ვადები, რომელიც წარმოადგენს ხელშეკრულების შემადგენელ ნაწილს.

2. ხელშეკრულების საგანი

2.1. ხელშეკრულების საგანს წარმოადგენს ხიხანის ციხეზე კოშკი N3 სარეაბილიტაციო სამუშაოების შესყიდვა (CPV 45200000).

3. ხელშეკრულების ღირებულება

3.1. ხელშეკრულების ღირებულება შეადგენს -----.

3.2. ხელშეკრულების ღირებულება მოიცავს ხელშეკრულებით გათვალისწინებული სამუშაოების განხორციელებასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ გადასახადებსა და გადასახდელებს.

4. ანგარიშსწორების ფორმა და პირობები

4.1. მიმწოდებელთან ანგარიშსწორება განხორციელდება უნაღდო ანგარიშსწორების ფორმით, ეროვნულ ვალუტაში.

4.2. შესრულებული სამუშაოების ღირებულების ანაზღაურება მოხდება ფაქტიურად შესრულებული სამუშაოების მიხედვით, წინამდებარე ხელშეკრულების მე-5 მუხლით გათვალისწინებული წესით მიღება-ჩაბარების აქტის გაფორმებისა და შესაბამისი საგადასახადო დოკუმენტაციის შემსყიდველისათვის წარმოდგენიდან 15 დღის ვადაში.

4.3. სააღასრულო ანგარიშსწორება განხორციელდება 2016 წლის აჭარის ავტონომიური რესპუბლიკის რესპუბლიკური ბიუჯეტით გათვალისწინებული ასიგნებებიდან, სახელშეკრულებო ღირებულების 75%-ის ოდენობით, პრეტენდენტი ვალდებულია ავანსის მისაღებად წარმოადგინოს საბანკო ან საღაზღვევო გარანტია.

5. შესრულებულ სამუშაოთა მიღება-ჩაბარების წესი

5.1 ხელშეკრულების საგნის მიღება ფორმდება (როგორც სრული, ასევე ნაწილობრივი) შესაბამისი მიღება-ჩაბარების აქტის გაფორმებით. შესრულებული სამუშაოების (როგორც სრულად, ასევე ნაწილობრივ) მიღება-ჩაბარების აქტის შედგენამდე, მიმწოდებელმა უნდა უზრუნველყოს შესრულებული სამუშაოების მოცულობების აქტის (ფორმა N2) წარმოდგენა, რომლითაც დასტურდება შესრულებული სამუშაოების ხარისხი, მოცულობა, ღირებულება და მათი შესაბამისობა საპროექტო-სახარჯთაღრიცხვო დოკუმენტაციასთან.

5.2. შემსყიდველის მხრიდან სამუშაოების მიღება-ჩაბარებაზე უფლებამოსილი წარმომადგენლებია ხელშეკრულების შესრულების კონტროლის განმახორციელებელი პირები.

6. სამუშაოების შესრულების ადგილი და ვადა

6.1. სამუშაოების შესრულების ადგილია ხიხანის ციხე.

6.2. სამუშაოების შესრულება უნდა განხორციელდეს 2016 წლის 1 ნოემბრამდე.

6.3. სამუშაოების შესრულების გრაფიკი ასახულია მომწოდებლის მიერ წარმოდგენილ, შესასრულებელი სამუშაოების ეტაპების შესახებ ინფორმაციაში (დანართი N2), რომლის შესრულებაზე კონტროლი ხორციელდება წინამდებარე ხელშეკრულებით გათვალისწინებული წესით. მიმწოდებელი ვალდებულია სამუშაოების შესრულება დაიწყოს ხელშეკრულების ამოქმედებისთანავე.

7. მხარეთა უფლება-მოვალეობანი

7.1. შემსყიდველს უფლება აქვს შეამოწმოს სამუშაოების მიმდინარეობის შესაბამისობა წინამდებარე ხელშეკრულებით გათვალისწინებულ პირობებთან;

7.2. შემსყიდველი ვალდებულია:

7.2.1. მოახდინოს ანგარიშსწორება მიმწოდებელთან ხელშეკრულებით გათვალისწინებული ვადებისა და პირობების შესაბამისად;

7.2.2. უზრუნველყოს შესრულებული სამუშაოების მიღება ამ ხელშეკრულებით დადგენილი პირობების გათვალისწინებით.

7.3. მიმწოდებელს უფლება აქვს მოსთხოვოს შემსყიდველს შესასრულებელი სამუშაოების ღირებულების ანაზღაურება ხელშეკრულებით გათვალისწინებული ვადებისა და პირობების გათვალისწინებით.

7.4. მიმწოდებელი ვალდებულია:

7.4.1. დაიცვას ხელშეკრულებით გათვალისწინებული ყველა პირობა;

7.4.2. შეასრულოს ხელშეკრულების პირობები სათანადო ხარისხითა და სრული მოცულობით, იმ ვადაში, რომელიც მითითებულია ხელშეკრულებაში;

7.4.3. საკუთარი სახსრებით აღმოფხვრას აღმოჩენილი ხარვეზი;

8. ხელშეკრულებით ნაკისრი ვალდებულებების შესრულების კონტროლი

8.1. ხელშეკრულების შესრულების კონტროლს განახორციელებს შემსყიდველი ორგანიზაციის მიერ განსაზღვრული პირთა ჯგუფი. რომელთა შემადგენლობას შემსყიდველი მიმწოდებელს აცნობებს წინასწარ.

8.2. კონტროლი გულისხმობს მიმწოდებლის მიერ ხელშეკრულების პირობების შესრულების მიმდინარეობის კონტროლს.

8.3. მიმწოდებელი ვალდებულია ხარჯთაღრიცხვაში გათვალისწინებული ხარისხის მასალები და საქონელი შეძენამდე შეათანხმოს შემსყიდველის უფლებამოსილ პირთან ტექნიკურ ზედამხედველთან და საავტორო ზედამხედველთან.

8.4. კონტროლის განმახორციელებელ პირთა ჯგუფის მიერ სამუშაოების შესრულების მიმდინარეობისას ხარვეზის ან ნაკლის აღმოჩენის შემთხვევაში, ასევე წინამდებარე ხელშეკრულებით გათვალისწინებული პირობების დარღვევის აღმოჩენის შემთხვევაში, კონტროლის ჯგუფი ადგენს შესაბამის წერილობით აქტს, რომლის საფუძველზეც, შემსყიდველი წერილობით აძლევს გონივრულ ვადას მიმწოდებელს აქტში მითითებული დარღვევების აღმოფხვრისათვის. იმ შემთხვევაში, თუ მიმწოდებელი დადგენილ ვადაში ვერ უზრუნველყოფს შესაბამისი დარღვევების აღმოფხვრას, შემსყიდველი უფლებამოსილია დააკისროს მე-9 მუხლით გათვალისწინებული პირგასამტეხლო და/ან შეწყვიტოს ხელშეკრულება.

8.5. გამოვლენილი ყველა ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

9. პირგასამტეხლო ხელშეკრულების პირობების შეუსრულებლობისათვის

9.1. მიმწოდებლის მიერ ხელშეკრულებით ნაკისრი ვალდებულების (მათ შორის საგარანტიო პერიოდში ნაკისრი ვალდებულების) შეუსრულებლობის შემთხვევაში, მიმწოდებელს დაეკისრება პირგასამტეხლო ყოველ ვადაგადაცილებულ დღეზე შეუსრულებელი სამუშაოების ღირებულების 0,5%-ის ოდენობით.

9.2. მიმწოდებელს პირველი ეტაპისათვის განკუთვნილი სამუშაოს დადგენილ ვადებში დაუსრულებლობის შემთხვევაში დაეკისრება პირგასამტეხლო ყოველ ვადაგადაცილებულ დღეზე პირველი ეტაპისათვის გათვალისწინებული დაუსრულებელი სამუშაოების ღირებულების 0,1%-ის ოდენობით.

9.3. პირგასამტეხლოს დარიცხვა დაიწყება 8.3. პუნქტით გათვალისწინებული ვადის დასრულების მომდევნო დღიდან, ხოლო პირგასამტეხლოს დარიცხვა შეწყდება ვალდებულების შესრულების დღის მომდევნო დღეს (მომდევნო დღეს პირგასამტეხლო არ ერიცხება).

9.4. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

9.5. მხარე უფლებამოსილია, ხელშეკრულების შესაბამისად მიმწოდებლის მიერ წარმოდგენილ ხელშეკრულების უზრუნველყოფის საბანკო გარანტიის საფუძველზე, საბანკო გარანტიის გამცემი ბანკიდან მოითხოვოს ამ მუხლის შესაბამისად მიმწოდებელზე დარიცხული პირგასამტეხლოს თანხა.

10. საავანსოდ გადასახდელი თანხის გარანტია

10.1. საავანსოდ გადასახდელი თანხის გადახდისათვის გამოიყენება საქართველოს ეროვნული ბანკის მიერ ლიცენზირებული კომერციული ბანკის, მიერ გაცემული გარანტია ან სადაზღვევო კომპანიის მიერ გაცემული გარანტია.

10.2. ავანსის გადახდა შესაძლებელია მხოლოდ მიმწოდებლის მიერ ავანსად გადასახდელი თანხის იდენტური ოდენობის გარანტიის წარმოდგენის შემთხვევაში, აღნიშნული გარანტიის მოქმედების ვადა მინიმუმ 30 დღით უნდა აღემატებოდეს ხელშეკრულების 6.2. პუნქტით განსაზღვრულ სამუშაოთა შესრულების ვადას.

10.5. მიმწოდებლის მიერ წარმოდგენილი გარანტია) შემსყიდველის მიერ გამოიყენება ნებისმიერი ზიანის ან მიმწოდებლის მიერ გადაუხდელი თანხის (მათ შორის, დარიცხული პირგასამტეხლოს) ანაზღაურების მიზნით, რომლიც მიადგება შემსყიდველს მიმწოდებლის მიერ წინამდებარე ხელშეკრულებით გათვალისწინებული ვალდებულებების შეუსრულებლობის ან არაჯეროვანი შესრულების შედეგად.

11. ხელშეკრულების მოქმედების ვადა, ხელშეკრულებაში ცვლილების შეტანა და ხელშეკრულების შეწყვეტა

11.1. ხელშეკრულება ძალაშია მხარეთა მიერ მისი ხელმოწერის დღიდან.

11.2. ხელშეკრულება მოქმედებს 2016 წლის 31 დეკემბრამდე.

11.3. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

11.4. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება კანონმდებლობით დადგენილი წესით.

11.5. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში, მეორე მხარე უფლებამოსილია ცალმხრივად შეწყვიტოს ხელშეკრულება, მოქმედი კანონმდებლობით დადგენილი წესითა და პირობებით.

11.6. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

12. ფორს-მაჟორი

12.1. მხარეები არ არიან პასუხისმგებელი თავიანთი ვალდებულებების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებებით, როგორიცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე საომარი მოქმედებები, თუ ისინი უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაინეწვს შესაბამისი დროით, გარემოებათა დასრულების შემდეგ.

12.2. თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდა ერთ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.

12.3. მხარე, რომელსაც შეექმნა ფორს-მაჟორული გარემოება, დაუყოვნებლივ აცნობებს ამის შესახებ მეორე მხარეს.

13. დავები და მათი გადაწყვეტის წესი

13.1 მხარეთა შორის წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

14. სხვა პირობები

14.1. ხელშეკრულების განუყოფელ ნაწილს წარმოადგენს ხიხანის ციხის სარეაბილიტაციო სამუშაოების პროექტი;

14.2. მიმწოდებელი ვალდებულია ხელშეკრულებით გათვალისწინებული სამუშაოები განახორციელოს ხელშეკრულების პირობათა შესაბამისად, აგრეთვე მოქმედი კანონმდებლობით ასეთი სამუშაოებისათვის დადგენილი ნორმებისა და სტანდარტების სრული დაცვით.

14.3. საგარანტიო ვადის განმავლობაში მიღებული შეტყობინების მიღებიდან შეტყობინებაში მითითებულ ვადაში მიმწოდებელი ვალდებულია საკუთარი ხარჯით გამოასწოროს ან სრული მოცულობით აანაზღაუროს როგორც შესაბამისი ხარჯები, ასევე ხარვეზის შედეგად შემსყიდველისათვის მიყენებული ზიანი.

14.4. მხარეები აუნაზღაურებენ ერთმანეთს მიყენებულ ზარალს საქართველოს კანონმდებლობის შესაბამისად.

14.5. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

14.6. ხელშეკრულება შედგენილია ქართულ ენაზე, ორ ეგზემპლარად, რომელთაც აქვთ თანაბარი იურიდიული ძალა და ერთი ეგზემპლარი ინახება შემსყიდველთან, ხოლო ერთი მიმწოდებელთან. ხელშეკრულებასთან დაკავშირებული ნებისმიერი მიმონერა შესრულებული უნდა იყოს ქართულ ენაზე.

15. მხარეთა რეკვიზიტები

შემსყიდველი:

მიმწოდებელი:

პრეტენდენტის რეკვიზიტები

სამართლებრივი ფორმა:

საფირმო სახელწოდება:

იურიდიული მისამართი:

ფაქტობრივი მისამართი:

საიდენტიფიკაციო კოდი:

ელექტრონული ფოსტის მისამართი:

ტელეფონის ნომერი:

მომსახურე ბანკის დასახელება:

მომსახურე ბანკის მფო:

ანგარიშსწორების ანგარიშის ნომერი:

ხელმძღვანელობაზე უფლებამოსილი პირი
(სახელი და გვარი)

ხელმძღვანელობაზე უფლებამოსილი პირის
მობილური ტელეფონის ნომერი:

ინფორმაცია სამუშაოების შესრულების ეტაპების შესახებ

1. პირველი ეტაპი ხელშეკრულების გაფორმებიდან 2016 წლის -----.

შესრულებული იქნება ----- ლარის ღირებულების სამუშაო;

2. მეორე ეტაპი ხელშეკრულების გაფორმებიდან 2016 წლის 1 ნოემბრამდე.

შესრულებული იქნება ----- ლარის ღირებულების სამუშაო;

~
—

ხელმოწერა _____

ბ.ა

ინფორმაცია საგარანტიო ვადების შესახებ

ექსპლოატაციის ნორმების დაცვის შემთხვევაში მიმწოდებელი შესრულებელი სამუშაოს ხარისხზე იძლევა გარანტიას:

1. სარეაბილიტაციო სამუშაოები – მინიმუმ 15 წელი;

შენიშვნა: საგარანტიო ვადის ათვლა იწყება საბოლოო მიღება-ჩაბარების აქტის გაფორმების დღიდან.

ხელმოწერა _____

ბ.ა

დამატებითი ინფორმაცია:

სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში, წერილობითი მიმართვის შემთხვევაში.

ქ. ბათუმი გუდიაშვილის ქ. №4 საკონტაქტო პირი: ლელა კუნჭულია ტელ: მობ: 577 261515